

12 Mac 2021

SIARAN MEDIA

oleh DR ANG MING CHEE

Pengurus Besar, George Town World Heritage Incorporated

Perayaan Warisan George Town 2021 Meraikan Ulang Tahun ke-13 Pengisytiharan Tapak Warisan Dunia UNESCO George Town

1. Perayaan Warisan George Town yang dinantikan akan kembali pada tahun ini, memberi peluang kepada orang ramai yang ingin mengambil bahagian dalam acara tahunan ini.
2. Bersempena dengan sambutan ulang tahun ke-13 pengisytiharan George Town sebagai Tapak Warisan Dunia UNESCO, perayaan tahun ini akan menampilkan tiga inisiatif bermula dari 15 Mac 2021 hingga 31 Julai 2021.
3. Tiga inisiatif sambutan Perayaan adalah seperti berikut:

a. 7/7 Kempen Jualan Hari Warisan (1 April 2021 - 31 Julai 2021)

- 7/7 Kempen Jualan Hari Warisan bertujuan untuk mempromosikan produk dari George Town dan Pulau Pinang ke pasaran yang lebih luas bersempena dengan sambutan Hari Warisan George Town pada 7 Julai 2021.
- Semua rakan perniagaan yang mengambil bahagian akan diberikan kebenaran untuk memaparkan logo Warisan GTWHI daripada 1 Julai 2021 hingga 31 Julai 2021.
- Ini adalah usaha proaktif GTWHI untuk mempromosikan Hari Warisan Dunia George Town di samping menjalinkan kerjasama dengan sektor swasta.
- **Perniagaan yang mempunyai perkhidmatan dan produk jualan di Pulau Pinang** dijemput untuk mendaftar dengan GTWHI bermula **1 April hingga 31 Julai 2021**.
- Untuk maklumat lanjut mengenai kempen ini, sila hubungi Encik Vick Quah (vick@gtwhi.com.my, 016-561 3523).

b. Peraduan Foto #GeorgeTownHeritage (1 Mei 2021 - 30 Julai 2021)

- Peraduan Foto #GeorgeTownHeritage bertujuan untuk meningkatkan kesedaran mengenai kepelbagaian warisan budaya George Town menerusi gambar dan penceritaan daripada orang awam.
- Peraduan ini terbuka kepada semua yang menyayangi dan cintakan George Town. Ia turut dibuka kepada penyertaan antarabangsa.
- Para peserta berpeluang untuk memenangi **permainan papan Kaki Lima yang bernilai RM168 setiap set**, serta barangan edisi terhad GTWHI seperti buku nota, poskad dan beg.
- Peserta perlu menghantar foto mengenai warisan budaya yang ada di George Town dan menceritakan perihal foto tidak lebih daripada 50 patah perkataan, turut disertakan bersama tarikh, aktiviti dan lokasi. Kapsyen boleh ditulis dalam bahasa Inggeris atau bahasa tempatan (lengkap dengan terjemahan dalam bahasa Inggeris).

- Foto berserta huraian perlu dihantar melalui e-mel ke info@gtwhi.com.my bermula dari **1 Mei hingga 30 Julai 2021**. Foto akan dimuatnaik ke laman Facebook GTWHI (@gtwhi).
 - GTWHI akan memilih 10 pemenang yang memperoleh tanda suka terbanyak pada hujung bulan (Mei, Jun dan Julai 2021) sepanjang peraduan ini. GTWHI akan turut memilih 10 foto yang paling berinspirasi pada penghujung peraduan.
 - Hadiah akan dihantar kepada pemenang melalui kiriman pos. Kos penghantaran akan ditanggung oleh GTWHI.
 - Untuk maklumat lanjut, sila hubungi Cik Chan Suat Ai (suatai@gtwhi.com.my, 016-491 5839).
- c. **Pelawaan Untuk Cadangan (RFP) Penerbitan Filem Dokumentari Pendek “Normal Baharu dalam Warisan Budaya Pulau Pinang” (15 Mac 2021 - 30 April 2021)**
- Individu dan kumpulan kreatif (warganegara Malaysia berpusat di Pulau Pinang) dijemput untuk menghantar cadangan bagi menghasilkan filem dokumentari pendek berdurasi 15 hingga 20 minit yang **menampilkan adaptasi amalan warisan budaya di Pulau Pinang semasa penularan wabak COVID-19**.
 - Filem perlulah mengupas isu dan cabaran yang dihadapi oleh pengamal budaya di Pulau Pinang dan mempertontonkan adaptasi mereka bagi memastikan kesinambungan amalan warisan budaya dalam berhadapan dengan Normal Baharu. Untuk contoh topik, sila rujuk dokumen ‘*Community-Based Intangible Cultural Heritage Inventorying in George Town (Malaysia)*’ di: <https://gtwhi.com.my/wp-content/uploads/2020/04/GTWHI-CBI-2019-Project-Report.pdf>
 - Peruntukan penghasilan filem dokumentari pendek adalah sebanyak RM10,000 setiap filem.
 - Cadangan perlu dihantar dalam format Microsoft Word dan PDF melalui e-mel ke info@gtwhi.com.my sebelum **30 April 2021 (Jumaat), jam 5 petang** dengan subjek e-mel: *RFP Submission for Penang Cultural Heritage in the New Normal*.
 - Dokumen Pelawaan untuk Cadangan (RFP) boleh dimuatturun secara percuma di www.gtwhi.com.my/gthc2021.
 - Untuk maklumat lanjut mengenai Pelawaan untuk Cadangan ini, sila e-mel Encik Tieh Kok Yang (kokyang@gtwhi.com.my, 019-415 2112) sebelum 23 April 2021, jam 12 tengah hari.
4. Untuk maklumat lebih lanjut, sila layari <http://gtwhi.com.my/gthc2021/>, e-mel info@gtwhi.com.my, atau hubungi Cik Josephine Jalleh (017-446 5366).
/tamat

Untuk perhubungan media, sila hubungi:

Josephine Jalleh
Pengurus Bahagian Komunikasi dan Kolaborasi
George Town World Heritage Incorporated
017-446 5366, josephine@gtwhi.com.my
www.gtwhi.com.my